

## CCCXC.

*Lettre du Prince d'Orange à Josse Borluut. — Projet  
d'établir un camp dans la Frise. (Mss. B.)*

Monsieur de Boucle, J'ay este bien aise d'entendre par voz <sup>1581.</sup>  
lres en quel estat sont les affaires en Flandres. Nous sommes icy <sup>1er Juin.</sup>  
empeschez pour mettre une fin a ce que nous traictons aux Estatz,  
et semble veu le bon commencement que nous en aurons bien  
tost une conclusion, apres quoy i'espere Dieu aidant approcher de  
plus pres, aiant donne ordre au camp que nous deliberons  
dresser pour la Frise. Quant aux nouvelles de France nous n'en  
avons aucuns depuis celles du x<sup>ms</sup> du passé escrites par Mon-  
seigneur d'Anjou a Messieurs les Estatz et a moy, desquelles nous  
vous avons envoye copie (1). J'atten d'heure en heure le gentil-  
homme que i'ay envoye vers Son Alteze par lequel ie ne doute  
que nous ne soions plainement informez et adverti de tout ce  
qui depend de ceste part, de quoy ie ne feray faulte de vous  
tenir adverti. Sur ce m'estant affectueusement recomande en  
voz bonnes graces, je prieray Dieu vous donner,

Monsieur de Boucle, avecq bonne sante heureuse vie et lon-  
gue. D'Amsterdam ce premier jour de Juing 1581.

« Vre bien bon amy a vre commademet. »

GUILLE DE NASSAU.

A Monsieur de Boucle pmier eschevin  
de la ville de Gand.

Quant au faict de guardes, puis que a ce que i'enten y a  
publication faicte, contre ceulx qui trois fois y fauldront et  
que les colonnels et capitaines poursuivent ce faict, ie ne veoi  
point qu'il y ait plus de moyen de l'empescher.

---

(1) L'une de ces copies figure sous le N° CCCLXXXV, t. II, p. 246.